

Univerzitet u Sarajevu – Filozofski fakultet  
Odsjek za anglistiku

Datum:

Broj:

**ODBORU ZA OSIGURANJE KVALITETA FAKULTETA  
PRODEKANESI ZA NASTAVU I STUDENTSKA PITANJA**

**PREDMET: Dopis o provođenju interne evaluacije nastavnih planova i programa  
na Odsjeku za anglistiku**

Poštovani,

Odlukom Vijeća Fakulteta od 10. 10. 2024. godine pokrenut je postupak interne programske evaluacije po isteku trajanja ciklusa studija u kojem se realizira studijski program u skladu sa odredbama Zakona o visokom obrazovanju („Službene novine Kantona Sarajevo”, broj: 36/22.) i Dopisom, broj: 03-12/59-1 od 3. 7. 2024. godine, (NASTAVNI PLANOVI I PROGRAMI 2019/2020.) na Odsjeku za anglistiku, te je za provođenje postupka interne programske evaluacije imenovana Komisija u sastavu:

1. Prof. dr. Selma Đuliman, po službenoj dužnosti
2. Prof. dr. Ksenija Kondali
3. Prof. dr. Larisa Kasumagić-Kafedžić

Odsjek za anglistiku Univerziteta u Sarajevu – Filozofskog fakulteta je u okviru redovnih aktivnosti na unutrašnjoj kontroli kvalitete studijskih programa odlučio pristupiti internoj programskoj evaluaciji.

Razlozi zbog kojih se Odsjek odlučio na ovaj korak su:

1. prošao je vremenski period od 5 (pet) godina od zadnje interne programske evaluacije, te postupamo u skladu sa Članom 14. Pravilnika o postupku usvajanja i izmjene studijskih programa na Univerzitetu u Sarajevu, gdje je naglašeno redovno osavremenjivanje studijskih programa, u okviru postupka unapređivanja nastavnog procesa i osiguranja kvalitete;

2. Zakon o visokom obrazovanju Kantona Sarajevo (Član 80) jasno propisuje obavezu da se izvrši evaluacija studijskog programa najmanje po isteku jednog ciklusa studija na kojem se realizira aktuelni studijski program: to je unutrašnja ocjena sistema osiguranja i upravljanja kvalitetom, i mora biti kontinuiran i prethodi podnošenju zahtjeva za eksternu institucionalnu akreditaciju. Ovo posebno ističemo uzimajući u obzir i nastupajuću akreditaciju.

Kada je u pitanju Nastavni plan i program koji je trenutno na snazi, primijetili smo da postoji potreba da se dokument izmijeni, i to u tri ključna segmenta:

1. izmjena kratkih programa postojećih kolegija (promjene naziva kolegija da se bolje reflektira sadržaj, osvježi pristup i literatura, prilagodi vrsta nastavnih sati i sl.)
2. uvođenje novih izbornih predmeta, s ciljem da se što bolje reflektiraju savremeni trendovi u anglofonim studijama;


3. preciznije definiranje ishoda učenja, što je nezaobilazan indikator mjerenja vještina, sposobnosti i znanja studenata pri pohađanju, odnosno završetku nekog kolegija ili studija u cjelini.

U skladu sa pripremama za predstojeću akreditaciju studijskih programa Univerziteta u Sarajevu, Odsjek planira iskoristiti ovu priliku da unaprijedi svoje studijske programe, na tragu Samoevaluacijskog izvještaja koji je Odsjek dostavio 2024. godine.

Na osnovu gore navedenog, Odsjek za anglistiku pokreće postupak interne programske revizije i postupak izmjene i dopune studijskog programa, odnosno njegovog osavremenjivanja.

Komisija koju je imenovao Odsjek za anglistiku će pravovremeno završiti rad na izmjeni Nastavnog plana i programa i proslijediti potrebne dokumente u daljnju proceduru.

S poštovanjem,



Prof. dr. Selma Đuliman

RUKOVODITELJICA  
ODSJEKA ZA ANGLISTIKU